

## A. A. KUZIN, TEHNIČESKIE ARHIVY, Moskva 1956, 252 str.

Ova knjiga predstavlja priručnik za rad u tehničkim arhivima, ali isto tako može poslužiti kao vrlo vrijedan priručnik u arhivima koji raspolažu s većom količinom raznih vrsta karata, nacrta i drugih vrsta tehničke dokumentacije. U uvodu se naglašava da je priručnik nastao na temelju proučavanja i iskustva u tehničkim arhivima postojećih ustanova i arhivima koji u svom sastavu čuvaju tehničku dokumentaciju.

Specifične osobine tehničke dokumentacije zahtijevaju posebne metode naučno-tehničke obrade i upotrebe takve grade. Međutim, većina arhivista ima dosta ograničeno poznavanje nastanka tehničke dokumentacije, njezina oblika i prirode, što stvara poteškoće kod njene obrade. Ovaj priručnik će u tome neсsumnivo u znatnoj mjeri pomoći, jer je pisan u prvom redu za arhiviste. Zbog informacije navodim glavna poglavљa priručnika:

- I. Vrste tehničkog dokumentacionog materijala i njihovi kompleksi; II. Tehnologija tehničkog dokumentacionog materijala (tehnologija nacrta, tehnologija sastavljanja i umnožavanja tehničkog dokumentacionog materijala, tehnologija računsko-tekstualnog i kartografskog materijala); III. Oblikovanje tehničkog dokumentacionog materijala (oblikovanje nacrta, tehničko-dokumentacionog, računsko-tekstualnog i kartografskog materijala); IV. Kompletiranje tehničkih arhiva (vrste tehničkih arhiva, osnovne grupe dokumentacionog materijala u tehničkim arhivima); V. Sistematisacija tehničkog dokumentacionog materijala (sistematizacija projektnog i tehničkog materijala, izvještaja po temama u arhivima naučno-istraživačkih ustanova, sistematizacija geokartografskog materijala); VI. Ekspertiza vrijednosti tehničkog dokumentacionog materijala (opći kriteriji za određivanje vrijednosti tehničkog dokumentacionog materijala, ekspertiza projektnog materijala, prijedloga i pronalazaka, naučno-istraživačkog rada, tehničkog, umjetničkog i geokartografskog materijala, ekspertiza vrijednosti dokumentacije koja se susreće u svim vrstama tehničkog dokumentacionog materijala, uključivanje tehničkog materijala u inventar postojećih ustanova); VII. Opisivanje i evidencija tehničkog dokumentacionog materijala u tehničkim arhivima (svrha opisivanja i evidencije tehničkog dokumentacionog materijala, opisivanje i evidencija projektnog materijala — prema predmetima, kronološki, prema formatu, prema detaljima — opisivanje i evidencija izvještaja po temama u tehničkim arhivima naučno-istraživačkih instituta, opisivanje i evidencija geodetsko-kartografskog materijala); VIII. Sistem naučno-informativnog aparata u tehničkim arhivima (predmetno-tematski katalozi, katalozi po autorima, geografski katalozi i katalozi tipa vodiča po arhivu); IX. Korištenje tehničkim dokumentacionim materijalom; X. Režim čuvanja tehničkog dokumentacionog materijala; XI Organizacija rada u tehničkim arhivima; XII. Tehničko dokumentacioni materijal u državnim arhivima.

T. Ribkin

## SOVETSKIE ARHIVY, br. 1/1967.

Časopis »Sovetskie arhivy« izlazi kao organ Glavne arhivske uprave pri Savjetu ministara SSSR uz suradnju Instituta marksizma-lenjinizma pri CK KPSS i Historijskog instituta Akademije nauka SSSR u Moskvi. Svi brojevi ovog časopisa za 1967. g. u znaku su proslave jubilarne godišnjice velike oktobarske revolucije i odlikuju se bogatim i vrlo raznolikim sadržajem.

U prvom broju najinteresantnija je publikacija dokumenata koji osvjetljavaju događaje u Petrogradu u toku mjeseca januara i februara 1917. g. Njih su pripremili K. V. Krestovska i L. V. Panin. Objavljena građa podijeljena je u tri grupe prema ovim temama: 1. Prilike u Rusiji početkom 1917. god., 2.

Revolucionarni pokret u Petrogradu i 3. Dogadaji koji su u neposrednoj vezi s februarskom buržoasko-demokratskom revolucijom. Unutar pojedinih grupa dokumenti su poredani kronološki. Ipred svake grupe dokumenata sastavljači su dali kao uvod karakteristične izvatke iz djela V. I. Lenjina i Historije KPSS. Ovi citati služe u izvjesnom smislu kao tumačenja dokumenata, koji su uglavnom nastali u redovima neprijatelja revolucije. Sastavljači su pojedine dokumente koji govore o osobito važnim dogadajima (—9. I i demonstracije i štrajkovi 10—14. II) grupirali pod zajedničkim naslovom koji označava sadržaj dogadaja. Uvodni članak za ovu publikaciju dokumenata napisao je G. E. Reihberg.

Drugi prilog koji je štampan u čast 50-godišnjice Oktobra je Pregled letaka koje je izdala boljevička organizacija u januaru i februaru 1917. god., a koji je načinila J. M. Dažina. Pregled je načinjen u obliku križaljke s rubrikama: redni broj, datum izdavanja, naziv, potpis na letku, mjesto izdanja, pismo (štampano, šapirografirano, rukopis) tiraž i mjesto objavljuvanja ili čuvanja.

L. P. Volkov, D. D. Golovanov i K. V. Krestovska u članku »Neka pitanja upravljanja i naučne organizacije rada u arhivima« raspravljaju o planiranju, normiranju, organizaciji, ekonomici i efektivnosti rada u arhivskim ustanovama u Sovjetskom Saveznu.

D. A. Cugajev u članku »Iskustvo publiciranja arhivskog fonda« iznosi način na koji je prvi put u Sovjetskom Savezu objavljen jedan arhivski fond u cjelini. Radi se o gradi Revolucionarnog vojnog komiteta u Petrogradu, koju su u čast 50-godišnjice oktobarske revolucije priredili i izdali Historijski institut AN SSSR, Institut marksizma-lenjinizma pri CK KPSS i CGAOR SSSR.

I. B. Kovalev objavio je 17 pisama Mihajla Likiardopula — ruskog prevođaoca Herberta Velsa, u kojima su sačuvani interesantni podaci o kulturnim prilikama u Rusiji za vrijeme prvog svjetskog rata.

U ovom broju štampano je i nekoliko kraćih rasprava u kojima se raspravlja o problemu izbora građe za trajno čuvanje i koji predstavljaju nastavak diskusije što ju je potakla redakcija nakon objavljuvanja rasprave V. V. Capilina »Teoretska i praktična pitanja vrednovanja dokumenata« (br. 3/1966) i A. V. Jelpatevskog »O naučno-historijskoj vrijednosti personalne dokumentacije« (br. 4/1966). A. I. Kozlova piše o skupljanju i čuvanju dokumentacije iz oblasti građevinarstva, E. P. Romanova o odabiranju računsko-planske dokumentacije, a V. S. Mingalev i E. S. Pajina o valorizaciji i škartiraju personalne dokumentacije.

Pored nekoliko drugih kraćih priloga štampanih u rubrici »Razmjena iskustva« interesantan je i članak G. J. Kamedatove, V. I. Koltovske i V. F. Privalova »Metoda restauracije dokumenata u kojima su sadržana silikatna ljestvica«.

J. Paver

#### DER ARCHIVAR, Mitteilungsblatt für deutsches Archivwesen. Herausgegeben vom Hauptstaatsarchiv Düsseldorf, 20. Jahrgang — Februar 1967 — Heft 1.

Prvi svezak u 1967, kojim se pobliže bavi ovaj prikaz, ima donekle prigodan karakter, i to iz dva razloga: njime se završava 20 godina izlaženja ovog časopisa i bilježi promjena izdavača. Dosad je u podnaslovu kao izdavač stajalo Udruženje njemačkih arhivista, a s ovim brojem izdavanje preuzima Glavni državni arhiv u Düsseldorfu. Časopis je počeo izlaziti na temelju dopuštenja Britanske vojne uprave od 14. XII 1946. Namijenjen prvotno samo Britanskoj okupacionoj zoni, ubrzo je zatim postao neophodna četvrtogodišnja publikacija sa saopćenjima i izvještajima za arhivsku praksu cijele Zapadne Njemačke. God. 1954. dostigao je svoj sadašnji opseg od prosječno 400 špalti velikog formata godišnje i stekao dobru međunarodnu reputaciju.